

Patres autem abbates dispensare non poterunt super huiusmodi absque licencia capituli generalis.

Item, statuit et ordinavit capitulum generale, quod quicumque abbas aliquas expensas fecit pro privilegiis et libertatibus ordinis defendendis et illas pecierit ab ordine sibi reddi, teneatur de dictis expensis coram maioribus abbatibus, qui ceteros abbates convocaverint, fideliter computare et de eisdem fidem facere proprio iuramento.

1297. Ad petitionem et instanciam regis Romanorum conceditur universis abbatibus nostri ordinis in regno ipsius constitutis, qui voluerint, possint novam historiam de beato Benedicto patre nostro licite decantare.

Item, peticio abbatis de Heimrode¹, qui petit dispergi conventum suum per Alemanniam per quinquennium exauditur.

Item, de Cesarea² abbatibus et de Melenbrunne³ committit capitulum generale, quod abbates Maguntinensis provincie compellant ad contribucionem faciendam pro expensis factis et faciendis pro negotio in Ebraco⁴.

1298 . . . Item, impositio contribucionis faciente pro expensis iam factis pro libertatibus ordinis defendendis generale capitulum domino Cysterçiensi et quatuor primis abbatibus⁵ committit districtione qua potest et sub pena excommunicationis precipiens abbatibus ordinis universi, ut porciones contribucionis predictae a patribus abbatibus auctoritate dicti capituli imponendas integre solvant locis et terminis inferius a dicto capitulo diffinitis; alioquin extunc pro depositis habeantur. Omnes itaque illi, qui sunt de regno Francie et Navarre, Arragonie, Anglie et Valencie de provinciis et diocesibus inferius nominatis videlicet Arelatensi, Ebredunensi, Verdunensi et Viennensi, Tharenthasiensi, Bissuntinensi, Treverensi, Maguntinensi, Salzbουργensi, Carnotensi et Tornacensi diocesibus infra Octavam Purificacionis apud Leviacum superius nominatam solvere non obmittant. . . .

Item, de fratre Walthero de Luzela⁶, qui propter sua demerita carceri mancipatus de carcere violenter evasit, renuens discipline ordinis se submittere, in anime sue

1) Hemmenrodium, Himmerod in diocesi Trever. v. Janauschek Orig. Cist. I, p. 31. 2) Caesarea = Kaisersheim in dioc. Augustana ib. p. 32. 3) Maulbronn ib. p. 56. 4) Ebrach ib. p. 13. 5) Quatuor abbatibus: sc. Firmitatis (La Ferté sur Grone), Pontiniaci (Pontigny), Clarae Vallis (Clairvaux), Morimundus. 6) Luzela = Lützel in Alsatia Super. v. Janauschek p. 12.